

Allah je zaštitnik onih koji vjeruju i On ih izvodi iz tmina na svjetlo, a onima koji ne vjeruju - zaštitnici su taguti oni ih odvođe sa svjetla na tmine; oni će biti stanovnici džehennema, oni će u njemu vječno ostati. (El-Bakare, 257)

Islamski Magazin za sestre

# Muslimah







# Sadržaj

<i>Ramazan mjesec dobra i bereketa.....</i>	<i>3</i>
<i>Požurite na namaz, požurite na spas.....</i>	<i>4</i>
<i>U doček mjesecu Allahove blagodati .....</i>	<i>5</i>
<i>Ramazan.....</i>	<i>6</i>
<i>Udjeljivanje Zejneb bint Džahš .....</i>	<i>7</i>
<i>Isplaniraj Ramazan za svoju djecu.....</i>	<i>9</i>
<i>Dunjaluk.....</i>	<i>10</i>
<i>Post i zdravlje.....</i>	<i>11</i>
<i>Ne propustimo učenje Kur'ana.....</i>	<i>14</i>
<i>Naša djela se umnogostručavaju.....</i>	<i>16</i>
<i>Požuri da udjeliš .....</i>	<i>19</i>
<i>Lejletul Kadr– najodabranija noć .....</i>	<i>20</i>
<i>Biseri Ramazanske noći .....</i>	<i>21</i>
<i>Mudrost propisivanja itikafa.....</i>	<i>22</i>
<i>Odlazak žene na bajram namaz.....</i>	<i>23</i>
<i>Ramazanska sofa .....</i>	<i>24</i>
<i>Projekt za pomoć.....</i>	<i>27</i>
<i>Reklame.....</i>	<i>29</i>
<i>U sljedećem broju čitamo.....</i>	<i>31</i>

## Redakcija

Ummu Amatullah

Ummu Talha

Ummu Esma

## Za ovaj broj pišu:

Ummu Zejd

Ummu Esma

Ummu Talha

Sestra Ajša

Sestra Adela

Sestra Sehla

Ummu Abdullah

Ummu Zejneb

Ummu Muhammed





# Ramazan - mjesec dobra i bereketa

Ramazan je uistinu mjesec dobra i bereketa, mjesec kojeg je Allah, subhanehu ve te ala, odlikovao mnogim vrijednostima. Mnogobrojni ajeti i hadisi nam govore o posebnosti ovog mubarek mjeseca kojeg mu'mini ne smiju propustiti da prođe uzalud. Iskoristimo ga u svakom hajru jer nijedan drugi mjesec nije kao ovaj.

## Ramazan je mjesec Kur'ana

**"U mjesecu ramazanu počelo je objavljivanje Kur'ana, koji je putokaz ljudima i jasan dokaz pravog puta i razlikovanje dobra od zla. Ko od vas u tom mjesecu bude kod kuće, neka ga u postu provede!"** (El-Bekare, 185)

## U njemu je noć bolja od hiljadu mjeseci

**"Mi smo ga počeli objavljivati u noći Kadr – a šta ti misliš šta je noć Kadr? Noć Kadr je bolja od hiljadu mjeseci – meleki i Džibril, s dozvolom Gospodara svoga, spuštaju se u njoj zbog odluke svake, sigurnost je u njoj sve dok zora ne svane."** (El-Kadr, 1-5)

**"Mi smo počeli da je u Blagoslovljenoj noći objavljujemo – i Mi, doista, opominjemo – u kojoj se svaki mudri posao riješi po zapovijedi Našoj! Mi smo, zaista, slali poslanike kao milost Gospodara tvoga – On, uistinu, sve čuje i sve zna."** (Ed-Duhan, 3-6)

## Ramazan je mjesec kada se okivaju šejtani

**"Kada dođe ramazan, otvore se vrata Dženneta, a zatvore se vrata Džehennema, i okuju se šejtani."** (U Muslimovoj predaji stoji: **"Otvore se vrata milosti."** Hadis prenosi Buharija, 4/97 i Muslim, br. 1079)

## Mjesec kada se zatvaraju vrata Džehennema, a otvaraju vrata Dženneta

**"Kada nastupi prva noć ramazana, okivaju se šejtani i džini odmetnici, i zatvaraju se vrata Džehennema, tako da se nijedna više ne otvore, a otvore se vrata Dženneta, tako da se nijedna više ne zatvore, a glasnik poviče: 'O to koji želiš hajr, pristupi! A ti koji želiš zlo, odstupi!' I Allah tada oslobađa svoje robove iz vatre i to svaku noć."** (Hadis prenosi Tirmizi, br. 682, Ibn Madže, br. 1642 i Ibn Huzejme, 3/188, putem Ebu bekra ibn Ajaša od El-E'ameša od Ebu Hurejre, radijallahu anhu. Ovaj sened je dobar.)

## Oprost grijeha

Od Ebu Hurejre, radijallahu anhu, se prenosi da je Poslanik, sallallahu alejhi ve sellem, rekao: **"Ko isposti ramazan vjerujući i nadajući se nagradi, oprošteni su mu grijesi koje je do tada počinio."** (Buharija 4/99 i Muslim, br. 759)

## Primanje dove i oslobađanje od vatre

**"Zaista Allah u mjesecu ramazanu, svaki dan i noć ima one koje oslobađa vatre, a svaki musliman koji uputi dovu tražeći njome nešto, biva mu uslišana."** (Ahmed, 2/254, El-Bezzar, br. 3142)



# Požurite na namaz, požurite na spas

Svaki dan, pet puta dnevno mujezin nas poziva da požurimo jer vrijeme nam ističe i svake sekunde žila kucavica može prestati da kuca. I onda na put sa kojeg nema povratka. Gotovo je, što je učinjeno, učinjeno je.

Kada završimo sa klanjanjem farz-namaza prvo što trebamo izgovoriti, a što je utemeljeno u praksi našeg poslanika Muhammeda, salallahu alejhi ve selem, jeste da tri puta izgovorimo estagfirullah. Allahu oprost mi.

**„I molite Allaha da vam oprost, jer Allah prašta i milostiv je.“** (El-Muzzamil, 20)

Svaki dan insan troši svoje vrijeme na ono od čega neće imati nikakve koristi ili vrlo male koristi, a mnogi ga trošimo čineći grijeh i haram, da Allah sačuva. Rijetki su oni čiji je jezik moker od spominjanja Uzvišenog Allah, Njegovim veličanjem, hvalom, slavljenjem i traženjem oprosta.

Ebu Hurejre prenosi da je Allahov Poslanik, salallahu alejhi ve sellem, rekao: *„Tako mi Allaha, molim se za Allahov oprost i upućujem mu kakanje više od sedamdeset puta na dan.“* Hadis bilježi Buhari.

El-Hasan je rekao: „Često tražite Allahov oprost – u svojim kućama, za stolom, na putu, na čaršiji, na sastancima, gdje god da ste. Nikada ne znate kada će vam oprost biti podaren.“

Ebu Hurejre je rekao da je čuo Poslanika, sallallahu alejhi ve sellem, kako kaže: *„Čovjek je učinio grijeh pa je rekao: -Allahu, počinio sam grijeh, pa mi oprost. Allah je rekao: -Zna li moj rob da on ima Gospodara koji oprašta grijeh i pomaže mu? Opraštam Svome robu. Prošlo je vremena pa je čovjek opet počinio grijeh, pa je rekao: -Allahu, počinio sam grijeh pa mi oprost.“*


Njegov Gospodar reče : -Zna li Moj rob da on ima Gospodara koji oprašta grijeh i pomaže mu?

*Opraštam Svome robu. Pa nakon nekog vremena čovjek počinio još jedan grijeh, pa Allah reče: - Zna li Moj rob da on ima Gospodara koji oprašta grijeh i pomaže mu? Opraštam Svome robu. Robe, čini kako želiš, podario sam ti oprost.“* Hadis bilježe Buhari i Muslim.

Mu'min svaki svoj grijeh vidi velikim i žuri da se pokaje svome Gospodaru prije nego duša dođe do grkljana. Dok ostali svoje grijeh vide malim i kažu oprostiće Allah. Uistinu, Allah, neka je slavljen i uzvišen, zaista puno prašta. Ali ne zaboravimo da je On i Onaj koji žestoko kažnjava.

Ramazan je pred nama. Zato, požurimo našem Gospodaru sa istigfarom i dobrim djelima, iskrenim i ispravnim, jer Allah voli one koji se mnogo kaju i mnogo čiste.

Pripremila UmmuEsma



# U doček mjesecu Allahove blagodati

## O ljudi, dolazi vam velik, blagoslovljen mjesec

Selman el-Farisi, radijallahu anhu, prenosi: "Zadnjeg dana mjeseca Ša'bana Resulullah, sallallahu alejhi ve sellem, obratio nam se i rekao:

*"O ljudi, dolazi vam velik, blagoslovljen mjesec. U njemu se nalazi noć vrednija od hiljadu mjeseci. To je mjesec čije dane je Allah učinio obaveznim da se u njima posti, a klanjanje teravih-namaza u njegovim noćima je preporučeno. Onaj ko se u tom mjesecu približi Allahu činjenjem dobrog djela, makar bilo i neznatno, bit će nagrađen kao da je učinio farz u neko drugo vrijeme! A ko učini farz, bit će nagrađen kao da je učinio sedamdeset farzova kad nije ramazan! To je mjesec strpljivosti, a nagrada za istinsku strpljivost je Džennet. Također, to je mjesec prisnosti sa svojim bližnjim. U tom mjesecu povećava se vjernikova nafaka (opskrba). Ko pripremi postaču iftar, nagrada će mu biti oprost grijeha i spas od džehennemske vatre. I još će dobiti nagradu sličnu postačevoj, a da njemu ništa ne bude umanjeno."*

Neki su rekli: "Allahov poslaniče, nije svako od nas u stanju da osigura iftar postaču!?" Resulullah, sallallahu alejhi ve sellem, odgovorio je:

*"Allah daje tu nagradu onome ko da postaču da se iftari, pa makar to bila hurma ili gutljaj vode ili mlijeka. To je mjesec čija je prva trećina Allahova milost. Njegova druga trećina donosi Allahov oprost, a njegov završetak je spas od džehennemske vatre. Onome ko umanju teret svome slugi (robu) u ovom mjesecu, Allah će oprostiti i osloboditi ga boravka u Džehennemu. U ovom mjesecu puno činite četiri stvari: sa dvije ćete postići zadovoljstvo vašeg Gospodara, a i druge dvije su vam također neophodne. Što se tiče onoga čime ćete postići zadovoljstvo vašeg Gospodara – to je svjedočenje da nema Boga osim Allaha*

*(izgovaranje La ilahe illallah) i upućivanje Allahu dove za oprost (činjenje istigfara). Ono što je neophodno je da molite Allaha da vas uvede u Džennet i da kod Njega tražite utočište od Džehennema. Onoga ko napoji postača kada iftari, Allah će (na Sudnjem danu) napojiti sa moga Havda (Vrela) tako da neće osjetiti žeđ sve dok ne uđe u Džennet.*

(Prenose Ibn Huzejme u *Sahihu*, El-Bejheki, Ebu-š-Šejh i Ibn Hibban)

Praksa, Poslanika, sallallahu alejhi ve sellem, je bila iščekivanje i viđenje mlađaka, a muslimanima je naređeno da počnu sa postom kada ugledaju mladi mjesec i da prestanu kada ga opet ugledaju. Od Ebu Hurejre, radijallahu anhu, se prenosi da je rekao: "Poslanik, sallallahu alejhi ve sellem, je rekao: 'Postite kada ga vidite (mlađak) i mrsite kada ga vidite, pa ako ga ne vidite (zbog oblaka), upotpuniti ša'ban tridest dana.'" (Buhari, 4/106 i Muslim, br. 1081)



## R a m a z a n

Još uvijek nisam tu, ali inšaAllah stižem uskoro,

Jesi li sve spremila za moj doček?

Jesi li spremna da stanemo zajedno rame uz rame?

Jesi li spremna da se što više posvetiš ibadetu u ovom mubarek mjesecu?

Prošle godine kada sam otišao, ostala si sva uplakana.

Sa Allahovom dozvolom postala si jača, ali i blaža, Blaža u svom srcu i sa više slasti u ibadetu.

Unutarnji mir, dobrota i samokontrola su strujali tvojom dušom i tvojim tijelom.

Osjećala si se blizu Allahu, bez brojnih dunjalučkih misli.

Poželjela si me,

Evo me, tu sam, na vratima, uskoro stižem inšallah.

Allahova robinjo, buđi spremna sa svojim tijelom i srcem,

Poželi mi dobrodošlicu, novi početak

Jer ovaj mjesec je tvoja prilika da se približiš Allahu Uzvišenom

Napravi još više mjesta za iman, bogobožnost, iskrenost, strpljivost

Tu sam uskoro, stižem inšallah, ....

# Udjeljivanje Zejneb bint Džahš

Majka pravovjernih Zejneb bila je obilježena visokim statusom, posebno kada ju je Poslanik, sallallahu alejhi ve sellem, oženio i time postala majka pravovjernih. Ona je bila pobožna žena, postila je i klanjala noćne namaze, pazila i pomagala siromašne i potrebne. Radila je svojim rukama, kao što su štavljene i šivanje, a zatim bi prodala i poklanjala to kao sadaku. Bila je vjernica, koja je održavala rodbinske veze.

Zejneb bint Džahš je bila velikodušna i darežljiva žena.

Postoje mnogi primjeri njene velike i neograničene velikodušnosti prema siromašnima. Prenosi se od Muslima da je Aiša, Allah s njom bio zadovoljan, rekla: "Poslanik, sallallahu alejhi ve sellem, je rekao svojim ženama: "Prva koja će umrijeti nakon moje smrti je ona koja bude imala najdužu ruku." "Pa, su one uzele i mjerile ruke da vide čija je ruka najduža." Aiša, radijallahu anha, je rekla: "To je bila Zejneb, zbog njenih ručnih radova koje je radila i prodavala i onda djelila to kao sadaku: "U drugom predanju se prenosi da je Aiša, radijallahu anha, rekla: " Nakon smrti Poslanika, sallallahu alejhi ve sellem, mi bi se okupile u jednu kuću pa bi mjerile svoje ruke tako što bi ih rastezale na zidu da bi vidjele čija je ruka najduža. Radile smo tako sve dok Zejneb bint Džahš preselila, iako su njene ruke po mjeri bile najkraće ona je bila ta za koju je Poslanik, sallallahu alejhi ve sellem, rekao da je "najduže ruke". Tada smo shvatili da je Poslanik, sallallahu alejhi ve sellem, pod "najdužu ruku" mislio na onoga koji daje najviše sadake. Aiša, Allah s njom bio zadovoljan, je rekla: "Zejneb je šila odjeću i davala to vojsci kako bi to koristili."

Aiša, radijallahu anha, je rekla u vezi Zejnebe: "Zejneb bint Džahš je bila moja drugarica. Nikada nisam upoznala takvu pobožnu ženu, koja je bila iskrena, održavala rodbinske veze i najviše davala sadaku, Allah bio s njom zadovoljan."

Abdullah bin Shadad prenosi da je Poslanik, sallallahu alejhi ve sellem, rekao: "**Zejneb bint Džahš je awahah.**" Prisutni upitaše Allahovog Poslanika, sallallahu alejhi ve sellem: "Šta znači 'awahah?' , on, sallallahu alejhi ve sellem, odgovori: "**najviše sažaljiv**". Kao što Allah Uzvišeni kaže: "**Ibrahim je zaista bio dobrodušan, sažaljiv i odan.**" (Hud,75)

Također Aiša, radijallahu anha, prenosi: "Ona je bila vjernica koja je bila sklonište za siromašne i udovice". Ibn Saad je rekao: "Kada je Zejneb bint Džahš preselila, nije ostavila nikakva novca, jer ona sve što je imala od para dok je živa bila udjeljivala kao sadaku za siromašne.

Pripremila Ummu Muhammed





# Isplaniraj Ramazan za svoju djecu

Ramazan nam kuca na vrata. Mi kao roditelji trebamo da se više organizujemo i potrudimo da uljepšamo ramazan svojoj djeci, koja još ne poste, a i onoj koja poste. Uključimo ih aktivno u doživljavanje ovog mjeseca oprosta i milosti. Razmislimo na vrijeme na koji način im možemo učiniti ovaj mjesec blagoslova nezaboravnim. Sva djeca vole kad im se dodjele ozbiljni zadaci jer se tako osjećaju velikim i važnim. U tekstu se navodi petnaest primjera kojim nam mogu poslužiti u postizanju ovog cilja, uz Allahovu pomoć i milost.

1. Odrediti mali period ( na primjer do podne ili nekoliko sati ako je moguće) da dijete ništa ne jede tako kad dobije hranu da zahvaljuje Allahu na blagodatima koje mu je On podario;

2. Učenje sura u određeno vrijeme, recimo poslije namaza tako da i dijete ima raspoređen svoj dan i da zna kad šta treba da radi jer struktura je djeci vrlo bitna.

3. Voditi djecu na teraviju namaz ako ste u mogućnosti

4. Pričati im priče o poslanicima, ashabima, navoditi njihove primjere istinskog vjerovanja i primjere udjeljivanja sadake.

5. Čitati djeci hadise i ajete koji govore o posebnim vrijednostima mjeseca ramazana. Podsticati ih da i oni sami čitaju.

6. Podsticati ih da vam pomognu u pripremanju iftara ili postavljanja sofre.

7. Ako dobivate reklame za hranu onda im dati da izrežu reklame onoga što oni vole za iftar, pa da to onda nalijepe na neki veći papir, zatim prilikom kupovine namirnica uvrstiti i ovaj dječij izbor.

8. Napraviti kraći islamski kviz, naravno na dječijem nivou, kako bi djeca i na ovaj način učila našu vjeru, a posebno o ramazanu. Možete zadati vašoj starijoj djeci da naprave kviz za mlađu djecu.

9. Naći bojanke na Internetu vezane za ramazan i dati im da to boje.

10. Popričajte s njima o tome kako oni doživljavaju ramazan. Također možete zajedno sastaviti neku pjesmicu o ramazanu.

11. Davanje sadake. Uzeti recimo neku kasicu i tu učiti djecu da stavljaju par puta sedmično po malo para za drugu djecu koja nemaju. I potruditi se taj skupljeni novac još tokom ramazana udjeli.

12. Podsticati svoju djecu da izdvoje neku svoju igrčku koju će oni upakovati i da čekaju do bajrama kako bi to poklonili nekom drugom djetetu od prijatelja ili rodbine.

13. Da pomaže kod pripremanja kuće za Bajram, recimo kod čišćenja, ukrašavanja, mirisanja, pakovanje poklona.

14. Zadati im da naprave crtež za Bajram (nacrtaju, zalijepe, ukrase, nešto sami sastave) koji će pokloniti nekom iz porodice ili familije.

15. Na kraju ramazana s djecom popričati o proteklom mjesecu o tome kako su ga oni doživjeli i šta bi željeli sljedeći ramazan inšallah da još bolje urade.

**Prava prilika je da u  
Ramazanu pojačamo naše  
ibadete i da uključimo  
našu djecu koliko je koje u  
mogućnosti, da se  
navikava na post, na  
Ramazan uopšteno te da  
jača svoju ličnost. Poruka  
glasi: Ne zaboravi  
isplanirati svaki dan  
Ramazana za svoju djecu.**

Svaki zadatak treba da bude popraćen uz vaše odobravanje, ohrabrivanje i iskazivanje vaše ljubaznosti i dobrote. Svaku kreativnost nas kao roditelja treba da iskoristimo tako da svoju djecu aktivno uključimo u Ramazan. Naravno to bi uvijek trebali da radimo što se tiče islama. Prilagodimo zadatke dječijem uzrastu i njihovim mogućnostima. Sve te male stvari koje su zaista sitnice za nas, čine djecu sretnim, zadovoljnim i svjesnijim da su i oni dio Ramazana.

### *Pjesmica za najmlađe o ramazanu*

R- adujmo se svi ovom dragom gostu

A- ibadetimo što više dok smo još u postu

M- ajci su djeca radost i iskušenje


A- odgoj u islamu nam je rješenje

Z – adatak veliki imamo svi

A- llah nam je dao emanet u našoj djeci

N-učimo ih tevhidu da budu ponos majci

Pripremila Ummu Zejd





## Dunjaluk

O čovječe, jadan li si,  
Dunjaluk te ovaj vara,  
Ukrasima nagizdan je,  
Puno slasti obećava.

K'o mlada što prosca čeka,  
Sve zlato i svilu nosi,  
Ljepota se njena hvali,  
Pa svako žuri da je prosi.

Kad oženjeni kući dođe,  
Mlada šminku skidat stane,  
Tad ugleda krhku babu,  
Sijede kose, raščupane.

Neko ko se razočara,  
Odmah joj talak da,  
I onog ko je prosi dođe  
Na prevaru upozorava.

Neko, opet, zadrži je  
Tako sijedu, truhlih zubí,  
I sa njom se naslađuje  
Dok Ahiret ne izgubi.

Pripremila Ummu Merdžan

# Post i zdravlje



Islam traži od ljudi da se bri-  
nu o svome zdravlju i nje-  
govom očuvanju, jer je to  
kapital koji ulažemo u ovaj  
život. Poslanik, sallallahu  
alejhi ve sellem, nam je  
rekao da je jak vjernik bolji i  
draži Allahu, subhanehu ve  
te'ala, od slabog vjernika.  
Razlog tome je što će jak  
vjernik biti u stanju da  
ispuni svoje vjerske i  
svjetovne obaveze na najbol-  
ji mogući način, za razliku  
od slabog vjernika koji  
možda nije u mogućnosti da  
se nosi sa teretom života i  
vjerskim obavezama, pa bi  
čak i sam mogao postati op-  
terećenje za zajednicu.

Sistem posta, onako kako je  
propisan u islamu, pomaže  
muslimanu da sačuva svoje  
zdravlje i štiti ga od mnogih  
bolesti, kao što su visok  
krvni pritisak, prekomjerna  
tjelesna težina i drugih bo-  
lesti, koje napadaju one koji  
se ne drže ovog divnog sis-  
tema koji nam je propisao  
naš Gospodar, 'azze ve džel-

le.

U ovome tekstu ćemo se  
ukratko osvrnuti na ovu  
temu, ne zalazeći u detalje.  
Spomenućemo nešto od  
onoga što ljekari kažu o pos-  
tu i njegovim koristima. Me-  
dicinske studije su pokazale  
da post (ukoliko se ispravno  
primjenjuje u sklopu siste-  
ma) ima mnogo zdravst-  
venih koristi, od kojih je na-  
jvažnija uklanjanje viška ma-  
snoća koje kod pojedinca  
uzrokuju višak kilograma ili  
čak gojaznost, što je jedan  
od najrasprostranjenijih  
zdravstvenih problema ovo-  
ga doba.

Poznata je činjenica, da pre-  
komjerna tjelesna težina ima  
negativan uticaj na tijelo i  
organe, a posebno na srce,  
što čini post (kao sistem)  
važnim faktorom u očuvan-  
ju i zaštiti zdravlja pojedin-  
ca. Jedna od zdravstvenih  
koristi posta, jeste i os-  
lobađanje od tjelesnih iz-  
lučevina (ekskrecija).

Naučno je dokazano da or-  
ganizam izgrađuje gnojne  
čvoriće (noduse), koji svoje  
izlučevine ubacuju u krv, što  
uzrokuje mnoge bolesti..

Post je veoma važan i bla-  
gotvoran način na koji  
možemo očistiti naš organi-  
zam od ovih štetnih izluče-  
vina. Post omogućuje ćelija-  
ma i organima našeg orga-  
nizma da pravilno funkcio-  
nišu i obavljaju svoje  
dužnosti, zbog toga što im  
daje priliku da se opuste i  
da se skoro u potpunosti od-  
more.

Naši organi neprestano rade  
preostali dio godine, a rama-  
zan im dođe kao odmor i  
prilika za potrebnu pauzu,  
kako bi nakon toga nastavili  
jos energičnije. Prema tome,  
post (kao sistem) pruža  
tijelu potrebnu ishranu i  
brani ga od mnogih ugroža-  
vajućih bolesti.



Mnoge klinike pribjegavaju postu kao djelu njihovog plana liječenja, što potvrđuje značaj posta u životu uopšte, a posebno za naše zdravlje. Podjednako je važno napomenuti da sistem posta nije samo uzdržavanje od jela i pića, od izlaska do zalaska sunca, a da nakon posta možeš slobodno da jedeš onako kako ti želiš. Apsolutno ne! Čovjek mora da se i za vrijeme prekida posta pridržava sistema ishrane i da se kloni prejedanja.

Na kraju bismo željeli da podsjetimo postače da je glavni cilj posta, zbog kojeg je i propisan, postizanje bogobojaznosti i svijesti o Allahu, subhanehu ve te'ala, pridržavajući se Njegovih naređenja i kloneći se Njegovih zabrana. On sputava ljudske strasti da ne dođu do svoga vrhunca, a "mjesec posta" razara i ljudsku oholost, rušeći svaku strastvenu pobudu. Allahov poslanik, sallallahu 'alejhi ve sellem, kaže: **"Post je zaštita od vatre, kao što je to vaš štit u borbi!"** (Ahmed, Nesaija, Ibn Madžeh - sahih)

On prouzokuje plemenitost i

darežljivost, i podstiče na dobročinstvo prema onima koji su u nekoj potrebi. On razvija plemenit karakter i moral, zato što uši ne slušaju ono što je zabranjeno, niti jezik izgovara ono što je bestidno i sramotno i što spada u ružan govor! Odgaja i oči da ne ustrajavaju u gledanju onoga što je zabranjeno!

Rekao je Uzvišeni Allah: **"O vi koji vjerujete! Propisuje vam se post, kao što je propisan onima prije vas, da biste se grijeha klonili."** (El-Bekare, 183.)

Ovaj ajet jasno ističe svrhu posta, a to je postizanje bogobojaznosti i pravednosti, kako bismo se što više približili Allahu, tebareke ve te'ala. Dakle, post nije namijenjen prvenstveno kao medicinski sistem u liječenju nećijih bolesti (mada to svakako postiže),

već je to jedan vid ibadeta čiji je cilj da od muslimana napravi bolju osobu u pogledu njegovih vjerskih obaveza i moralnog ponašanja.

Pripremila sestra Adela





Prenosi Ebu Hurejre, radijallahu anhu, da je Poslanik, sallallahu alejhi ve sellem, rekao: "Uzvišeni Allah je rekao (u Kudsi hadisu): "Svako čovjekovo djelo pripada njemu, osim posta, koji pripada Meni i Ja ću za njega nagraditi!" "Post je štit, pa kada neko od vas posti, neka ne govori bestidan govor, neka ne podiže svoj glas (ne viče), a ako ga neko od ljudi bude grdio ili ga bude napadao, neka kaže: "Ja sam postač!"

*"Tako mi Onoga u čijoj ruci je Muhammedov (sallallahu alejhi ve sellem) život, zadah iz usta postača je bolji kod Allaha, dželle ve ala, od mirisa miska. Postač ima dvije radosti: kada se iftari i kada susretne svoga Gospodara!" (Buharija)*

**"U mjesecu ramazanu počelo je objavljivanje Kur'ana, koji je putokaz ljudima i jasan dokaz pravog puta i razlikovanje dobra od zla. Ko od vas u tom mjesecu bude kod kuće, neka ga u postu provede, a ko se razboli ili se na putu zadesi, neka isti broj dana napostil! Allah želi da vam olakša, a ne da poteškoće imate; da određeni broj dana ispunite, i da Allaha veličate zato što vam je ukazao na pravi put, i da zahvalni budete."** (El-Bekare, 185)



### *Kombinacija posta sa hranjenjem siromašnih jedan od načina zarađivanja Dženneta*

"U Džennetu postoje sobe, čija se unutrašnjost može viditi sa vana, i iznutra se vidi vani. Allah je pripremio te sobe za one koji hrane gladne, koji su blagi u govoru, koji redovno poste, i koji klanjaju noću kad drugi spavaju". (Ahmed 5/343)

*"Ko god dadne hranu postaču da se njome omrsi, daće mu se jednaka nagrada, a da se nimalo neće oduzeti od nagrade postača."* (Tirmizi, 3/171)



## Ne propustimo Učenje Kur'ana

Uistinu je ramazan lijepa prilika da zaslužimo Allahov oprost od grijeha i spas od vječne džehennemske vatre. Zato ga ne smijemo propustiti.

Poslanik, sallallahu alejhi ve sellem, jednom prilikom popeo na mimber i rekao: *"Amin, amin, amin!"* Pa mu je rečeno: "Allahov Poslaniče, samo si se popeo na mimber i rekao: 'Amin, amin, amin.' On reče: *'Došao mi je Džibril, alejhi selam, i rekao mi: 'Koga zatekne mjesec ramazan pa mu ne bude oprošteno i uđe u vatru, pa neka ga Allah udalji!' Reci: 'Amin!'* Rekao sam: *'Amin...'*" (Ahmed, 2/246 i 254, Ibn Huzejme, 3/192, Bejheki 4/204)

Stoga se postavlja logičko pitanje svakome od nas:

### Kako iskoristiti svoje vrijeme u ramazanu ?

Od Ibn Abbasa radijallahu anhu, prenosi da je Poslanik, sallallahu alejhi ve sellem, bio veoma darežljiva osoba, a u mjesecu ramazanu bio bi još više zato što je melek Džibril, alejhisselam, dolazio njemu svake večeri i sa njim vježbao učenje Kur'ana. (Sahih al-Buhari)

Iz ove predaje isto vidimo jako dosta pouka i poruka kao što su;

- izučavanje Kur'ana u mjesecu ramazanu
- biti zajedno tj. učiti u halkama Kur'an, jer se tako zbližavaju srca vjernika
- provjeravanje znanja Kur'ana i iščitavanje sa nekim ko poznaje Kur'an dobro
- povećati učenje Kur'ana u mjesecu ramazanu nad ostalim mjesecima
- učiti Kur'an u tim noćima jer su to najbolje noći u kojima preokupacija opada i lakše je biti koncentrisan kao što Uzvišeni kaže: **"Ustajanje noću, zaista, jače djeluje i izgovara se jasnije"** (Al-Muzzammil, 6)

Zato sestre organizujmo svoje vrijeme u ovim mubarek danima tako da ne dozvolimo da nam ovaj mubarek mjesec prođe, a mi nismo udjelile sadaku, nismo proučile Kur'an, nismo zikrile, nismo klanjale nafile, nismo razmišljale o Allahu Uzvišenom, nismo radile dobra djela ne zaboravimo na ovoj mjesec, mjesec u kojem se umnogostručavaju dobra djela, otvaraju vrata svakog dobra, a zatvaraju vrata zla. To je mjesec u kojem je post radi Allaha, subhanehu ve te ala, za kojeg nas Uzvišeni višestruko nagrađuje. Uskladimo svoje vrijeme prema svojim kućnim obavezama koliko god smo u mogućnosti.

Ne propusti ni jedan sat ovih vrijednih mubarek dana i noći, a da ga maksimalno ne iskoristiš, jer ti se možda više nikada neće pružiti ovakva prilika, a zažalit ćeš za svakom minutom koju nisi iskoristila na dan kada ti neće koristiti ništa drugo osim dobrih djela.

Pripremila UmmuTalha

Pokušaj iskoristiti period u kojem postiš da memorišeš suru koju si slušao više puta ranije. Post povećava mogućnosti memorisanja, i lakše ćeš pamtiti Kur'an. To znači da je mjesec ramazan najbolje vrijeme za početak memoriranja Kur'ana!



Stalno se prisjećaj da je glavna dužnost sa kojom je Poslanik, sallallahu alejhi ve sellem, došao bila: Kur'an! Ne odgađaj svoj današnji posao za sutra! Ako si već pokušala, a nisi uspijevala da završiš hifz, pokušaj ponovo i pouzdaj se u Allaha!

**“A kada se odlučiš, onda se pouzdaj u Allaha, jer Allah zaista voli one koji se uzdaju u Njega.” (Ali Imran 159)**



# Naša djela se umnogostručavaju u mjesecu Ramazanu

Svima nam je poznat hadis u kojem se navodi da se dobra djela u mjesecu ramazanu umnogostručavaju. Evo nekoliko primjera kroz hadise koji nam mogu poslužiti da ojačamo svoj ramazan, svaki dan nanovo, imajući u vidu umnogostručavanje naših dobrih djela.



**Dova i oprost:** *"Zaista Allah u mjesecu ramazanu, svaki dan i noć ima one koje oslobađa vatre, a svaki musliman koji uputi dovu tražeći njome nešto, biva mu uslišana."* (Ahmed, 2/254, El-Bezzar, br. 3142)

*"Ko isposti ramazan vjerujući i nadajući se nagradi, oprošteni su mu grijesi koje je do tada počinio."* (Buharija 4/99 i Muslim, br. 759)



**Noćni namaz:** Od Poslanika, salallahu alejhi ve sellem, prenose Buhari i Muslim, kad su mu stopala oticala od noćnog namaza, pa mu je rečeno: "Zar ti radiš ovo, a tebi je oprošteno sve, i ako si nešto učinio od grijeha i ako ćeš nešto zgriješiti?!", pa je odgovorio *"Zar da ne budem zahvalan rob?"*



**Duha namaz:** *"Svako jutro na svaki zglob se treba dati sadaka, svaki tesbih (izgovoreno SubanAllah) je sadaka, svako izgovoreno Elhamdulillah je sadaka, svako izgovoreno La ilahe illallah je sadaka, svaki izgovoreni tekbir- Allahu ekber je sadaka, naređivanje dobra je sadaka, odvrćanje od zla je sadaka, a sve to zamjenjuju dva rekata duha namaza."* (Muslim)



**Zikr:** *"Neka nastoji svaki od vas da mu srce bude zahvalno, a da mu jezik što više zikri!"* (Sahih Ibn Madždže, 1.505) Upitan je Allahov Poslanik, salallahu alejhi ve sellem, šta je najvrednije, pa je rekao: *"Srce zahvalno, jezik koji Allahu zikr čini i žena vjernica koja jednog od vas pomaže na putu za Ahiret."* (Ahmed, 5/278, 282, Tirmizi, br. 3093,



**Učenje Kur'ana:** "Učaću Kur'ana će rečeno biti na Sudnjem danu: Uči i penji se (Džennetskim stepenicama-deredžama) uči lijepo i pravilno, kao što si na dunjaluku učio, jer, je tvoje mjesto (deredža u Džennetu) kod posljednjeg ajeta kojeg proučiš." (Ebu Davud)



**Sadaka:** "Doista sadaka gasi Gospodarevu srdžbu i otklanja lošu smrt." (Bilježi ga Et-Tirmizi i za njega kaže da je dobar) "Nema ni jednog dana u kome osvane rob, a da ne siđu dva meleka od kojih jedan kaže: 'Allahu, nadomjesti onome koji troši', a drugi kaže: 'Allahu, daj da onome ko škrtari to propadne.'" (Bilježi ga Muslim)



**Hranjenje gladnih:** "U Džennetu postoje sobe, čija se unutrašnjost može viditi sa vana, i iznutra se vidi vani. Allah je pripremio te sobe za one koji hrane gladne, koji su blagi u govoru, koji redovno poste, i koji klanjaju noću kad drugi spavaju". (Ahmed 5/343)  
"Ko god dadne hranu postaču da se njome omrsi, daće mu se jednaka nagrada, a da se nimalo neće oduzeti od nagrade postača." (Tirmizi, 3/171)



**Napustimo ružan govor i ružna djela:** "Onaj ko ne napusti ružan govor i ružna djela, nema potrebe da ostavlja hranu i piće!" (Buharija) „Kada neko od vas posti, neka bestidno (sramotno) ne govori, a ako ga neko bude psovao, ili ga napadne neka kaže :`Ja postim!`" (Muttefekun alejhi)

Svako od nas može isplanirati svoj dan i ispuniti ga korisnim stvarima i kloniti se stvari od kojih nema nikakve koristi, koje nam mogu samo naštetiti. Pojačajmo svoje ibadete posebno u ovom mjesecu, provodimo njegove minute klanjajući, učeći, zikreći i moleći... Prije nego što se okrenemo, ramazan će nas već napustiti. Natječimo se sa vremenom pazeći da ne ode od nas bez ikakve koristi.

Pripremila Ummu Zejneb



## ZADOVOLJSTVO LJUDI - CILJ DO KOJEG NE MOŽE DOĆI!

*Nasmijao sam se, pa rekoše - zašto si neozbiljan?*

*Zaplakao sam, pa rekoše - zašto se ne smiješ?*

*Osmjehnuo sam se, pa rekoše pretvara se pred ljudima.*

*Smrknuo sam se, pa rekoše težak insan.*

*Sutio sam, pa rekoše-ne zna da govori.*

*Progovorio sam, pa rekose-puno prica.*

*Oprostio sam, pa rekoše-slab i kukavica, jer da je u stanju on bi se osvetio.*

*Uzvratio sam na nepravdu, pa rekoše-zbog oholosti koja je pri njemu, a da je pravedan ne bi bio takav.*

*Onda sam shvatio da koliko god želim ljudsko zadovoljstvo, ja moram biti kritikovan, jer je zadovoljstvo ljudi cilj do kojeg ne možeš doći! (Ibn Kajjim)*



*"Ljubav je biljka koja raste u srcu. Koren ove biljke je podcinjenost Voljenom, stablo Njegovo poznavanje, grane strah od Njega, listovi stida plodovi pokornost. Ova biljka zaliva se sećanjem i spominjanjem Voljenog. Svaka ljubav koja nema ove dijelove je manjkava."*

*Ibn Kajjim El-Dževzijje*

*"Dovoljna nagrada za okretanje prema Allahu, subhanehu ve te'ala, jeste to što je Allah, subhanehu ve te'ala, učinio da se srca Njeg-*

*ovih robova okrenu prema onome ko je Njega zavolio, kao što je učinio da srca Njegovih robova zamrze onoga ko se od Njega okrenuo i koji Ga ne voli, jer srca su robova u Njegovoj ruci, a ne u rukama Njegovih robova."*

*Ibn Kajjim El-Dževzijje*



# Požuri da udjeliš

Od Džabira, radijallahu anhu, prenosi se da je Allahov Poslanik, sallallahu alejhi ve sellem, rekao: *"Svako dobro je sadaka."* (Buhari) Vjernik ima nagradu za sva dobra djela koja čini, zato ustrajte da podstičite na činjenje dobra na različite načine!

Od Ebu Seru'a Ukbea b. El-Harisa, radijallahu anuhu, prenosi se da je rekao: *"Klanjao sam za Vjerovjesnikom, sallallahu alejhi ve sellem, ikindiju-namaz u Medini. Kada je predao selam, žurno je ustao prelazeći kroz safove do sobe jedne od svojih supruga. Ljudi su se uplašili zbog njegove žurbe. Kada je izašao, primjetio je da su se oni začudili njegovoj žurbi, pa im je rekao: 'Sjetio sam se da imam nešto zlata u kući, pa nisam želio da budem zaokupiran razmišljanjem o njemu, pa sam požurio da naredim da se podijeli.'" (Prenosi El-Buhari)*

Subhanallah....!

Ebu Uname Sehl b. Hanif pripovjeda: *"Ušao sam sa Urveom b. Zubejrom kod Aiše, radijallahu anha, pa nam ona reče: 'Da ste mogli vidjeti Allahovog Poslanika, sallallahu alejhi ve sellem, u njegovoj bolesti! Kod mene je držao šest ili sedam dinara. Naredio mi je da ih podijelim, ali zbog njegovih bolova zaboravilih na to. Allah ga je izliječio, pa me upita za te dinare. Rekoh mu da sam zbog njegovih bolova zaboravila da ih podijelim. On mi ih zatraži. Stavih mu ih u ruku, a on reče: 'Čemu se Allahov Vjerovjesnik može nadati kada kod sebe ima ovo?' U drugoj verziji se kaže: 'Šta Muhammed može od svoga Gospodara očekivati kada kod sebe ima ovo?'" (Prenosi Ahmed: Musned br. 24212. Hadis je sahih)*

A šta da očekujemo mi, muslimani sa dunjalukom punih ruku, imamo sve što poželimo!? Zaista, svako od nas ko razmišlja da stane ispred Uzvišenog Gospodara treba da se zapita, šta reći za svoje stanje i za sav dunjaluk koji smo imali i kako smo ga potrošili!? Ne dozvolimo da nas Uzvišeni Gospodar proziva riječima: **'O sine Ademov, tražio sam od tebe da Me nahraniš, pa Me nisi nahranio'**.... Sufjan es-Sevri, rahmimullah, je rekao:

**„Nijedno šejtansko oružje protiv čovjeka nije jako kao što je jaka strah od neimaštine, pa ukoliko se ovaj strah nađe u srcu čovjeka, on zabranjuje istinu, govori po strastima i loše misli o svome Gospodaru.“**

Drage sestre, ne dozvolimo da nas šejtan obmanjuje i odvraća od udjeljivanja i činjenja dobra, požurimo sa opremom naših drugih vječnih domova, kuća Ahireta. Mjesec ramazana nam miriše, njegova ljepota nam se približava. Allah nam je toliko dobra u njemu dao, zato ne zaboravimo one koji nemaju, ne zaboravimo da udjeljujemo i sada i uvijek. Pogledajmo samo nagradu za udjeljivanje. A zar nagrada od našeg Gospodara nije najveće blago, najsajnij dukat, najljepši dirhem? I za kraj molim Allaha, subhanehu ve te ala, Njegovim najljepšim imenima, i Njegovim imenom Er-Rezzak - Koji obilnu opskrbu daje, da nam omogući udjeljivanje sadake. Amin!

Pripremila sestra Sehla

# Bejtul Kadr- najodabranija noć

**"Mi smo ga objavili u noći Kadr, a šta ti znaš šta je noć Kadr? Noć Kadr je bolja od hiljadu mjeseci, meleki i Džibril, s dozvolom Gospodara svoga, spuštaju se u njoj zbog odluke svake, spas je u njoj sve dok zora ne svane."** ( Al-Kadr, 1-5)

**"Mi smo ga objavili u noći Kadr,"** (Ibn Kesir u svom tefsiru navodi) tj. Mi smo Kur'an objavili u blagoslovljenoj noći Kadr koja se nalazi u blagoslovljenom mjesecu ramazanu. Kur'an je odjednom iz Pomno čuvane ploče (Lehvi mahfuza) u cjelini spuštan na nama najbliže nebo (Bejtul-Izzeti) a odatle po potrebi, prema događajima u toku dvadeset i tri godine objavljivao Allahovom Poslaniku, sallallahu alejhi ve sellem.

**"...a šta misliš šta je noć Kadr?"** Ovo je veličanje značaja ove noći u kojoj je Allah objavio Kur'an, a.š., naročito što je ona **"...bolja od hiljadu mjeseci,"** tj. dobro djelo učinjeno u njoj je bolje od pobožnosti u trajanju od hiljadu mjeseci u kojima ne bi bilo noći Kadr. U tom smislu Allahov Poslanik, sallallahu alejhi ve sellem, kaže: *"Jedna noć borbe/ držanja straže/ na Allahovom putu, bolja je od hiljadu noći provedenih na nekom drugom mjestu."* Ovaj hadis navodi Ahmed. Ebu Hurejre, radijallahu anuhu, prenosi: *"Kad je došao ramazan, Allahov Poslanik, sallallahu alejhi ve sellem, rekao je: 'Došao vam je mjesec ramazan, blagoslovljeni mjesec u kome vam je Allah propisao post. U njemu se otvaraju džennetske, a zatvaru džehennemske kapije. U njemu su okovani šejtani. U njemu je jedna noć bolja od hiljadu mjeseci. Ko bude uskraćen njenog dobra, taj je, zaista, uskraćen zato što je pobožnost provedena u njoj ravna pobožnosti u trajanju od hiljadu mjeseci.'" Buha-rija u svome Sahihu i Muslim u svome Sahihu od Ebu Hurejre, r.a., navode da je rekao: "Allahov je Poslanik, sallallahu alejhi ve sellem, rekao: 'Ko noć Kadr provede u ibadetu / duboko/ vjerujući i nadajući se / nagradi/ bit će mu oprošteni raniji grijesi.'"*

**"...meleki i Džibril, s dozvolom Gospodara svoga, spuštaju se u njoj zbog odluke svake,"** tj. zbog blagoslovljenosti ove noći, u njoj se meleki spuštaju više nego uobičajeno. Meleki se u većem broju spuštaju kad se spušta blagoslov i milost. Tako se oni spuštaju kad se uči Kur'an i okupljaju oko ljudi koji obavljaju zikr. Oni na svojim krilima, iz poštovanja, nose onoga ko traži znanje. Pod riječi "er-Ruh" ovdje se misli na Džibrila, a.s.

**"...sigurnost je u njoj sve dok zora ne svane,"** tj. noć Kadr je sigurna. U njoj šejtan ne može činiti zlo ni navoditi na njega. U njoj se provode odluke i određuje koliko će se živjeti i kakva će biti nafaka. U tom smislu Uzvišeni na drugom mjestu veli: *"U njoj se svaki mudri posao riješi."* Neki kažu da se u toj noći spuštaju meleki, obilaze one koji klanjaju i blagosiljaju ih sve do zore.



# Biseri ramazanskih noći



Noći, posebne noći, ramazanske noći.

Noć, tišina i mjesec....i ona. Ko je ona...?

Ona bi sjedila u uglu svoje sobe, u mraku sa ispruženim rukama prema nebu....dugo.

Samo bi mjesec osvjetljavao njeno lice, a sjena njena bi se oslikala na zidu, i tako nepomična, izgledala bi kao slika na zidu.

Dugo bi sjedila tako, u uglu svoje sobe sama i skrušena. Vrijeme bi polahko odmicalo i ništa se ne bi mjenjalo...ali odjednom bi zablistali biseri u tami...

Mali biseri iz njenih očiju. Svjetlucavi mali biseri bi klizili niz njeno lijepo lice, osvjetljavajući tamu noći. Svjetlucali bi kao morska površina koju Mjesec miluje. Klizili bi tako do njenog srca koje se grčilo od straha...Od straha? Od straha da joj grijesi neće biti oprošteni. Ali ti mali iskreni, svjetlucavi biseri su ime Allaha, u ime Najsvjetlijeg...

Držala bi svoje ruke tako prema nebu u strahu i nadi. Drhtalo bi srce njeno kao list na jesenjem povjetarcu. Skrušeno, malo i svjesno. Svjesno Allahove kazne, ali i Njegove Milosti, jer On je od milostivih Najmilostiviji.

Vrijeme bi prolazilo, a biseri bi se nizali na tanke niti noći i blistali u noćima ramazana. Ti mali biseri tevbe i istigfara, straha i nade.

Vrijeme bi prolazilo i ptice bi najavile svojim cvrkutom zoru. Noć pokajanja bi polahko prolazila...ali još jedan biser, samo još jedan, a zatim još samo ovaj...

Ali ima još noći ramazana, nije samo ova. Teška srca bi spustila svoje ruke, pokupila bi svoje bisere noći, zahvalila bi se svome Gopodaru na blagodatima noći ramazana i nestrpljivo bi čekala sljedeću noć, gdje bi opet sama, sa mjesečinom na licu sjedila u uglu svoje sobe, sa ispruženim rukama prema nebu, u dubokoj noći...A Mjesec bi joj se osmjehivao i hrabrio je, zavidjeći joj na svjetlucajućim biserima iz njenih očiju, koji su s nizali u dubokim noćima ramazana. U noćima milosti, rahmeta i oprosta....

Pripremila sestra Aiša



Ebu Hurejre, radijallahu anhu, prenosi da je Resulullah, sallallahu alejhi ve sellem, rekao:  
*"Mom ummetu je dato petero u ramazanu što nije dato nikome prije njih:*

- 1.** *Zadah iz usta postača je ugodniji Allahu od mirisa mošusa (miska);*
- 2.** *Za njih traži oprost i riba u moru sve dok ne prekinu svoj post;*
- 3.** *Allah svaki dan uljepšava Džennet, a potom kaže: 'Moji čestiti robovi samo što nisu zbacili sa sebe (dunjalučki) teret i došli u tebe';*
- 4.** *U ovom mjesecu zli šejtani bivaju stavljani u okove tako da ne mogu činiti zla koja obično čine mimo ramazana;*
- 5.** *Posljednje noć i ramazana njima (postačima) biva oprašteno."*

Nakon toga ashabi, radijallahu anhuma, upitali su: "O, Allahov Poslanice, je li ta posljednja noć - Lejletu-l-kadr?" Resulullah, sallallahu alejhi ve sellem, odgovorio je: "Ne! Radi se o tome da onaj ko je ulagao trud, svoju nagradu dobiva onda kada završi posao."

(Prenose Ahmed, El-Bezzar i El-Bejheki)



*Kombinacija posta sa hranjenjem siromašnih jedan od načina  
 zarađivanja Dženneta*

***"U Džennetu postoje sobe, čija se unutrašnjost može viditi sa vana, i iznutra se vidi vani. Allah je pripremio te sobe za one koji hrane gladne, koji su blagi u govoru, koji redovno poste, i koji klanjaju noću kad drugi spavaju".***  
 (Ahmed 5/343)

***"Ko god dadne hranu postaču da se njome omrsi, daće mu se jednaka nagrada, a da se nimalo neće oduzeti od nagrade postača."*** (Tirmizi, 3/171)

# Mudrost propisivanja itikafa

Ibnul-Kajjim, rahimehullah, je rekao: "Pošto je ispravnost srca i njegovo slijedenje puta koji vodi ka Allahu zasnovano na njegovoj potpunoj zaokupljenosti Allahom, a njegovo dovođenje u red na potpunoj predanosti Njemu, to se stanje srca ne popravlja osim predanošću Allahu Uzvišenom. Višak hrane, pića, miješanja sa ljudima, govora i spavanja, su stvari koje povećavaju njegovu nesređenost i rastrganost, te ga odvajaju od njegovog puta k Allahu ili ga slabe, onemogućavaju i usporavaju."

Allah, subhenehu ve te ala, je iz milosti prema svojim robovima, u postu propisao ono što ih udaljava od viška hrane i pića i prazni srce od prohtjeva koji ga onemogućavaju na njegovom putu k Allahu, subhenehu ve te ala. Propisao ga je radi koristi, kako bi ih čovjek mogao izvući za svoj ovosvjetski i ahiretski život, ne ometajući ga i ne prekidajući ga u tome.

Takođe im je propisao itikaf, čiji je cilj i suština predanost srca Allahu, subhanehu ve te ala, njegova potpuna zaokupljenost Njime, osamljivanje sa Njime, te prekid sa zauzetošću ljudima, a zauzimanje samo Njime Jedinim i Uzvišenim. Time Njegovo spominjanje, ljubav prema Njemu i predanost zauzimaju mjesto brigama i raznim drugim idejama, te ga potpuno okupiraju. Tako se svaka briga i misao pretvara u slavljenje Allaha, te u razmišljanje o postizanju Njegovog zadovoljstva i onome što čovjeku približava Njemu. Čovjekovo druženje sa Allahom, subhanehu ve te ala, zamjenjuje druženje sa ljudima, sa željom da tako bude i u samoći kabura, kada ne bude nikoga osim Allaha, niti čega što ga može razveseliti osim Njega. Stoga je ovo najveći cilj itikafa.

(Zadul-me'ad, 2/86-87)

Itikaf predstavlja pohvalno djelo u ramazanu i u drugim danima godine, kako je potvrđeno i od Poslanika, sallallahu alejhi ve sellem, koji je boravio u itikafu zadnjih deset dana mjeseca Ševvala. (Prenosi ga Buhari 4/226 i Muslim, br. 1173)

Najbolji itikaf je u ramazanu, shodno hadisu Ebu Hurejre, radijallahu anhu: "Allahov Poslanik, sallallahu alejhi ve sellem, je svakog ramazana boravio u itikafu po deset dana, a u godini u kojoj je preselio, proveo je u itikafu dvadeset dana." (Prenosi ga Buhari, 4/245)

Vidi Tefsir, str. 124



## Odlazak žene na bajram namaz

Ummu 'Atijje, Allāh bio njome zadovoljan je rekla: "Allāhov Poslanik sallallāhu 'alejhi we sellem je naredio starijim ženama, ženama u hajzu i mladim djevojkama koje su obično ostajale u kućama, da prisustvuju namāzu za ramazanski i kurbanski Bajram. Što se tiče žena u hajzu, one su bilje obavezne udaljiti se od namāza (u drugoj predaji mjesta namaza) i na njima je bilo da prisustvuju veselju (proslavi) i namāzima muslimana". (hadis su zabilježili od strane svih šest hadiskih učenjaka)

Imām Šewkāni je rekao (3/306): "Ovaj hadīs i ostali hadīsi sa istim značenjem potvrđuju dozvoljenost ženama da prisustvuju zajedničkim namāzima na dva Bajrama, bez ikakve razlike između djevoja i ne-djevoja, mladih i starih žena, onih u hajzu i drugih, sve dok ona nije u svom 'iddetu (postrazvodnom periodu izdvojenosti) ili (sve dok ne postoji bojazan) da će ona izlaskom izazvati fitnu, ili ona ima neki drugi izgovor..."

Ibn Tejmije je u djelu "Medžmū'ul-fetāwa" (6. tom, 458. i 459. str.) rekao: "Prema tome je on, sallallāhu 'alejhi we sellem, obavijestio žene vjernice da je klanjanje u njihovim kućama bolje za njih nego prisustvovanje džuma namāzima i namāzima u džemā'atu; osim bajram-namāza, koji im je on naredio da im prisustvuju. On im je naredio da prisustvuju bajram-namāzima, a Allāh najbolje zna, iz sljedećih razloga:

- Bajram namāz se dešava samo dva puta godišnje, tako da je dopustljivo za razliku od džume i namāza u džemā'atu.
- Ne postoji zamjena za ovaj namāz za razliku od džume i namāza u džematu, jer žena može klanjati podne u svojoj kući i to se smatra njenim džuma namāzom.
- Bajram obično sadrži izlazak vani na otvoreno (ili neko drugo slično) mjesto, da se Allāh spominje i to je stoga slično hadždžu u određenim aspektima, i iz ovog razloga je veći od dva bajrama – u sezoni hadždža u podudara se sa hadždžom hadždžijā."



# Ramazanska sofra

## Sehur

### Slani rolat sa krompirom

Fil: ubutati 3 jaja,  
1 čaša jogurta,  
pola čaše pavlake kisele,  
1 čaša brašna,  
1 pecivo.  
1kg krompira skuvati začiniti sa 1 pavlakom, 2 jajeta, 1glavica crnog luka i malo soli.  
Pola kg pečenih kora.  
Svaku drugu jufku premazati sa filom i na kraj preliti sa smjesom od krompira uviti u rolat i posuti susamom.



*Ustajte na sehur, jer je u njemu, doista, bereket!*

***Buhari i Muslim***

## Iftar

### Sarma

#### Potrebno za nadjev:

- 1 kg mljevenog telećeg mesa
- 1 šolja pirinča
- 2 kom. srednje glavice luka
- 1 kom. mala šangarepica
- 1 čehne bjelog luka
- 1 kašika vege, so i biber po ukusu
- 1/2 kašičice ljute mljevene paprike
- 1 kašičica slatke mljevene paprike
- Par komada suhog mesa
- 2 glavice kiselog kupusa (lišće)
- lovorov list

#### Za zapršku:

- malo ulja (masti)
- 1 kašika brašna
- 1 kašika mljevene slatke paprike



*Ljudi će biti u dobru sve dok budu žurili sa iftarom!*

***Buhari i Muslim***

Priprema

1. Izdinstati luk sjeckan na kockice, dodati mu sitno sjeckan bijeli luk i šargarepicu, prodinstati još malo.
2. Dodati sitno sjeckano suho meso da se malo proprži.
3. Dodati pirinač opran, izmješati sa smjesom od luka i slaninice, skloniti sa ringle.
4. Zatim dodati mljeveno meso i začine. Dobro izmješati.

**Savijanje sarme**

5. Lišće kiselog kupusa obariti na kratko. Isjeći zadebljale djelove lista tj. korjena lista.
6. Uzimati gomilice mesa i stavljati na list kiselog kupusa.
7. Dno šerpe u kojoj će se kuvati sarme, obložiti lišćem kupusa.
8. Složiti savijene sarme, a između složiti suvo meso.
9. Savijenu sarmu prekriti listovima kiselog kupusa, naliti vodu i dodati lovorov list.
10. šerpu poklopiti i staviti u zagrijanu rernu.
11. Dok sarma ne proključa temperatura može biti veća. Na 190 C krčkati oko 4 sata.

Gotovu sarmu zapržiti. Prijatno!!

**Desert- Voćni kolač**Biskvit

- 3 bjelanjka
- 3 supene kašike šećera
- 3 supene kašike brašna

Krema

- 1/2 litre mlijeka
- 3 žumanjka
- 2 cijela jaja
- 1 vrećica vanilin šećera
- 2 vrhom pune kašike brašna
- 3 kašike šećera
- 2 ml (jedna ampulica Dr.Oetkera) arome vanilije
- 1/2 (125 gr) margarina ili maslaca

Za ukrašavanje

- po potrebi slatko vrhnje za šlag
- jagode za ukras

Priprema

Bjelanjke mikserom istucite u čvrsti snijeg, dodajte postupno šećer i dobro izradite, a na kraju kutlačom umiješajte brašno. U namašćen i pobrašnjen pleh veličine 20×30 cm rasporedite smjesu od bjelanjaka i pecite 10-tak minuta u zagrijanoj pećnici na 180 C.

Izvadite i ohladite.

Jagode izgnječite (ne mora biti jako sitno), pomiješajte sa šećerom i zatim im dodajte preljev za torte koji ste razmutili u 2 dcl vode. Stavite na vatru dok smjesa ne zakipi. Maknite s vatre, ostavite koju minutu i zatim prelijte preko ohlađenog biskvita. Ostavite da se potpuno stisne i ohladi.

Jaja, žumanjke, šećer i vanilin šećer dobro izradite i zatim dodajte brašno. Smjesu ulijte u kipuće mlijeko i kuhajte dok se ne zgusne. Maknite kremu s vatre i umiješajte aromu vanilije. U vruće dodajte izrezani margarin i dobro izradite mikserom. Ohlađenu kremu premažite preko nadjeva od jagoda i ostavite par sati na hladnom da se dobro ohladi.

Hladno ukasite tučenim slatkim vrhnjem i cijelim jagodama.

Ramazansku sofru pripremila Ummu Abdullah

Nadjev od jagoda

- 1/2 kg očišćenih i izgnječenih jagoda
- 3-4 kašika šećera (ovisi koliko slatko volite i koliko su jagode slatke)
- 2 dcl vode ili soka od jagode
- 2 vrećice preljeva za torte crvenog (ako nemate može i običan)





# PROJEKAT ZA POMOĆ – Unosna trgovina

**Tumačeći "...što god vi udijelite, On će to nadoknaditi, On najbolje opskrbljuje."** (Saba, 39) Ibn Kesir navodi da ma koliko podijelili od onoga što nam je On naredio i dopustio, On će nam to nadoknaditi na Dunjaluku protuvrijednošću, a na Ahiretu nagradom.

U hadisi-kudsiju stoji: *"O čovječe, udjeljuj imetak, pa će i tebi dati."* (Hadis je muttefekun alejhi)

Poslanik, sallallahu alejhi ve sellem, se zakleo da dijeljenje sadake nimalo ne umanjuje imetak. Od Abdurrahmana ibn Avfa, radijallahu anhu, prenosi se da je Allahov Poslanik, sallallahu alejhi ve sellem, rekao:

*"Tri su stvari za koje se kunem:*

- imetak se nimalo ne umanjuje (dijeljenjem) sadake, pa udjeljujte sadaku,*
- neće čovjek oprostiti nepravdu koja mu je nanesena, a da mu Uzvišeni Allah zbog toga neće povećati njegovu snagu (odlučnost), pa opraštajte, povećat će vam se snaga i*
- neće čovjek sebi otvoriti vrata prosjačenja tražeći (proseći) od ljudi, a da mu Allah neće otvoriti vrata siromaštva."*

(Hadis su zabilježili, Ahmed, Bezzar i Ibn Ebi Dunja)

Imajući u vidu koristi udjeljivanja na Allahovom putu, u nastavku ovog teksta vas želimo upoznati sa projektom za pomoć koji djeluju na forumu za sestre suza-za-tewhidom. Ovo radimo kako bi se dobila potpuna slika ovog projekta i ponudila mogućnost svim sestrama da nam se priključe u ovoj unosnoj trgovini, trgovini koja je profitabilna, blagoslovljena i spasonosna.

Projekat "Urwetul wuthqa" je pokrenut u junu 2008. godine kada je među članicama foruma oživjela ideja pomoći sestrama muvahhidama koje se nalaze u nezavidnoj finansijskoj i materijalnoj situaciji. Da bi sve bilo koordinirano i organizovano jedan ovakav projekat je bio neminovan.

Radi velike udaljenosti mjesta stanovanja (Zapadna Evropa i Balkan) odlučeno je da svako tri mjeseca sestre skupljaju novac koji biva poslat sestrama muvahhidama kojima je to preko potrebno. Svaka sestra udjeljuje onoliko koliko može, a u našim projektima se svaki euro broji ma koliko taj euro u nečijim očima bio sićušan i nevažan. Do sada je novac slat za naše sestre u Bosnu, Sandžak, Crnu goru i Makedoniju.

Od Adijja ibn Hatima, radijallahu anhu, prenosi se da je Allahov Poslanik, sallallahu alejhi ve sellem, rekao: *"Allah će na Sudnjem danu razgovarati sa svakim od vas bez posrednika. Čovjek će pogledati na svoju desnu stranu i vidjet će samo svoja djela. Zatim će pogledati na lijevu stranu i vidjet će samo svoja djela, pa će pogledati ispred sebe i ugledat će samo vatru! Zato se čuvajte vatre, pa makar udijelili pola humre."* (Muteffekun alejhi)

Ovim putem pozivamo sve sestre koje žele sa svojim novčanim doprinosima da učestvuju u ovom našem projektu da nam se pridruže. Za više informacija obratite se putem emaila:

[magazinmuslimah@hotmail.com](mailto:magazinmuslimah@hotmail.com)

**"Onima koji troše imetke svoje na Allahovom putu, a onda ono što potroše ne poprate prigovorima i uvredama, pripada nagrada Gospodara njihova! Njima nema straha niti će oni tugovati!"** (El-Bekare, 262)



A reci vjericama neka obore poglede svoje i neka vode brigu o stidnim mjestima svojim; i neka ne dozvole da se od ukrasa njihovih vidi ista osim onoga što je ionako spoljašnje, i neka vela svoja spuste na grudi svoje; neka ukrase svoje ne pokazuju drugima....(Sura-Nur, ajet 31 )

*Design By Nihil Nihil*

*Permanence*

*Sadržaj bloga*

*Link*

*Welcome*

**ZuHrUf**

Dobro Dosli na moj Blogger Zuhruf - ukraši

10.06.2011.

Konacno nesto novo i kod mene....bujrum....:)



*Zuhruf*

**KALENDAR**

<< 06/2011 >>

ned pon uto sri cet pet sub

01 02 03 04

05 06 07 08 09 **10** 11

12 13 14 15 16 17 18

19 20 21 22 23 24 25

26 27 28 29 30

**LOGO BLOGA**



*Zuhruf*

**MOJI PRIJATELJI**

Ishranom do zdravlja

Mejia-Su

UNIKATNI NAKIT-M.K.

Nemirna perla

Smycken Mili

Posjetite [www.zuhruf.blogger.ba](http://www.zuhruf.blogger.ba)

Ramazanski popust 15%

Sve informacije možete dobiti putem e-mail  
adrese:

[az-zuhruf@hotmail.com](mailto:az-zuhruf@hotmail.com)

Stranica na Slovenskom jeziku

[www.islam.si](http://www.islam.si) ↓



ISLAM.SI  
Islamski portal

Islam.si - Islamski portal

Download

Članki

Video

Kdo smo?

ISLAM


BIOGRAFIJE

KUR'AN

MUSLIMANKA



Beseda islam izvira iz besede "esleme", ki pomeni "predanost" oz. "predati se".



"V zgodbah o njih (o Poslancih) je nauk za razumne ljudi." (Jusuf, 111)



„Recitirajte Kur'an, ker on bo na Sodnem dne bil zagovornik svojemu recitatorju.“



Hidžab je ščit, ki čuva čast, ter odklanja katerekoli vzroke, kateri vodijo do suma in nereda.

ISLAMSKÉ TEME

Verovanje

Biografije

Ženska v islamu

Kur'an

Znanost in medicina

OSTALO

## Resnica o ženskah na zahodu

Četrtek, 14 April 2011 16:47

### Resnica o ženskah na zahodu

Ženska je predstavljena kot seksualni objekt kot prazna lupina, katere edini atribut je lepota.

Facebook Share

išči

ISKANJE

FACEBOOK SHARE

Share on facebook

Gefällt mir

80 „Gefällt mir“-Angaben.  
Benachrichtigen, um sehen zu können.

Stranica na Bosanskom jeziku

[www.milletuibrahim.com](http://www.milletuibrahim.com) ↓



"Reci: "Mene je Gospodar moj na pravi put uputio, u pravu vjeru, vjeru Ibrahima pravoujernika, a on nije bio idolopoklonik." (Al-An'am:Stoka:The Cattle, 161)"

Mušrik nije musliman i prije uspostave

argumenta

Kada je proglašavanje nekoga

nevjernikom ispravno

Vrste kufra i velikog i malog nifaka

Zabranjenost velikog širka

Dokazi potvrđenosti velikog širka

HOME  
Pocetna

ČLANCI  
Tekstovi - Fetve

KUTUBHANA  
Islamske knjige

MEDIA  
Audio/Video

MILLETU-IBRAHIM  
Ostalo



Home

## Odbrana osnove dina i sejhul-islama od tvrdnji nosioca neznanja - Tehakum i mjesto tekfira musrika u vjeri

AUTOR MILLETU-IBRAHIM | 17. SEPTEMBAR 2010  
POSTED IN KUTUBHANA - AQIDA



"Ko je bolje vjere od onoga ko je predao svoje lice Allahu, a dobročinitelj je i slijedi vjeru Ibrahimovu, koji je bio vjere čiste? A Allah je uzao Ibrahimu za prijatelja." (En-Nisa:Žene:Women, 125)

Milletu-Ibrahim

Izdvajamo



Stranica na Holandskom jeziku

[www.ahlul-tawhid.com](http://www.ahlul-tawhid.com) ↓

اهل التوحيد  
.com

HOME

TAWHEED

FIQH

MULTIMEDIA

CONTACT

LINKS

Haast je niet om antwoord te geven op de gestelde vragen maar denk na en antwoord met zekerheid. En als je het niet weet, antwoordt dan niet want dat is beter voor jou.

Lees nu!



Haasten om te antwoorden

فتح المجيد

فتاوى الائمة النجديّة

مجموعة التوحيد

مدارج السالكين

Graf aan

Search



LEDEN LOGIN

Nieuwste Folder



Onze Laatste Uitgave



Onze Nieuwste Wallpapers





*U sljedećem broju čitamo inšaAllah:*

Allah je zaštitnik onih koji vjeruju i On ih izvodi iz tmina na svjetlo, a onima koji ne vjeruju - zaštitnici su taguti oni ih odvođe sa svjetla na tmine; oni će biti stanovnici džehennema, oni će u njemu vječno ostati. (Prevod značenja El-Baqara, 257)

*Islamski Magazin za sestre*  
*Muslimah*

Broj 5, oktobar 2011/ Zul-Qa'de 1432

- ~ "Zar ćete odbiti Poslanikovu, sallallahu alejhi ve sellem, naredbu?"
- ~ *Pazi kako postupaš prema njoj*
- ~ Ne zapostavimo svoju djecu
- ~ *Nastupanje Sudnjeg dana u vaktu najgorih ljudi*
- ~ Biljke i svakodnevni život

*I još mnogo toga inšaAllahu te ala*